

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 34., članom 35. i članom 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 12. sjednici, održanoj dana 19.01.2024. godine, d o n o s i

ODLUKU

o usvajanju Programa utroška sredstava Ministarstva za obrazovanje, nauku, kulturu i sport, “Tekući transferi pojedincima - Tekući transfer za naučnoistraživačku djelatnost“, Budžeta Zeničko-dobojskog kantona za 2024. godinu

Član 1.

(Predmet)

Usvaja se Program utroška sredstava utvrđenih u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200 - Tekući transferi pojedincima, subanalitika MAD 204, Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), pozicija “Tekući transfer za naučnoistraživačku djelatnost“ u ukupnom godišnjem iznosu od 100.000,00 KM (slovima: stohiljada konvertibilnih maraka), a koji čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Dodjela sredstava)

Sredstva će se dodjeljivati u skladu sa Kriterijima za dodjelu sredstava za naučnoistraživačku djelatnost Ministarstva za obrazovanje nauku i sport Zeničko-dobojskog kantona i Tabelom A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici.

Član 4.

(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-1424/24

Datum, 19.01.2024. godine

Z e n i c a

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x “Službene novine Zeničko-dobojskog kantona”,

1x a/a.

P R O G R A M

utroška sredstava utvrđenih u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, pozicija "Tekući transfer za naučnoistraživačku djelatnost"
Budžeta Zeničko-dobojskog kantona za 2024. godinu

Član 1.

Svrha ovog programa je da se odobrena sredstva iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200 -Tekući transferi pojedincima, subanalitika MAD 204, pozicija "Tekući transfer za naučnoistraživačku djelatnost“, koriste za sufinansiranje naučnoistraživačke djelatnosti.

Član 2.

Visina sredstava utvrđena ovim programom iznosi 100.000,00 KM (slovima: stohiljada konvertibilnih maraka).

Član 3.

Izvor sredstava: Budžet Zeničko-dobojskog kantona za 2024. godinu, („Službene novine Zeničko-dobojskog kantona“, broj: 21/23), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200 -Tekući transferi pojedincima, subanalitika MAD 204, pozicija "Tekući transfer za naučnoistraživačku djelatnost“.

Član 4.

Sredstva se dodjeljuju za:

Obrana doktorskih radova

- *potrebe i interesi Zeničko-dobojskog kantona u segmentu razvoja visokog obrazovanja, nauke i naučnoistraživačkog rada*

Sredstva za naučnoistraživačku djelatnost

1. Organizovanje naučnih skupova i učešće naučnih radnika i studenata na naučnim skupovima u zemlji i inostranstvu
 - *naučni i društveni značaj manifestacije*
 - *mogućnost uspostavljanja trajnijih veza i međusobne saradnje s domaćim i stranim naučnim ustanovama i naučnim radnicima, kao i međuuniverzitetske saradnje*
2. Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona i objavljivanje radova nastavno-naučnih radnika (uposlenika na visokoškolskim ustanovama na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici
 - *potrebe visokoškolskih ustanova u Zeničko-dobojskom kantonu*
 - *doprinos bibliotečkom fondu visokoškolskih ustanova*

Sredstva za takmičenje studenata sa visokoškolskih ustanova na području Zeničko-dobojskog kantona

-Takmičenja studenata sa visokoškolskih ustanova na području Zeničko-dobojskog kantona
-objavljivanje izvanrednih, stručnih radova studenata u toku redovnog studija po prijedlogu rukovodioca visokoškolskih ustanova na području Zeničko-dobojskog kantona

Nagrade najboljim studentima sa prebivalištem u Zeničko-dobojskom kantonu
za ostvarene rezultate tokom redovnog studija na I, II i III ciklusu studija-nagrada Rektora

Sredstva za podršku u radu Akademiji nauka i umjetnosti Bosne i Hercegovine sa sjedištem u Sarajevu

Član 5.

Korisnici sredstava: pojedinci za odbranu doktorskih radova, organizatori naučnih skupova, naučni radnici i studenti koji učestvuju na naučnim skupovima, pojedinci za izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona, pojedinci: nastavno-naučni radnici (uposlenici na visokoškolskim ustanovama na području Zeničko-dobojskog kantona) koji objavljuju radove u časopisima referiranim u relevantnim indeksnim bazama navedenim u Tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici, studenti sa visokoškolskih ustanova na području Zeničko-dobojskog kantona za učestvovanje na takmičenjima i za objavljivanje izvanrednih, stručnih radova u toku redovnog studija po prijedlogu rukovodioca visokoškolskih ustanova na području Zeničko-dobojskog kantona, najbolji studenti sa prebivalištem u Zeničko-dobojskom kantonu za ostvarene rezultate u toku redovnog studija na I, II i III ciklusu studija-nagrada Rektora i Akademija nauka i umjetnosti Bosne i Hercegovine, sa sjedištem u Sarajevu, za podršku u radu.

Član 6.

Distribucija sredstava vršit će se u iznosu i dinamikom kako je navedeno u Generalnom planu korištenja sredstava i posebnom Odlukom Vlade Zeničko-dobojskog kantona o odobravanju sredstava sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614200, subanalitika MAD 204, Budžeta Zeničko-dobojskog kantona za 2024. godinu pozicija "Tekući transfer za naučnoistraživačku djelatnost".

Član 7.

Za distribuciju odobrenih sredstava korisnicima zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 8.

Korisnici sredstava su dužni dostaviti izvještaj o namjenskoj upotrebi odobrenih sredstava Ministarstvu za obrazovanje, nauku, kulturu i sport najkasnije tri mjeseca po primitku sredstava.

Član 9.

Izvještaj o namjenskoj upotrebi odobrenih sredstava Ministarstvo za obrazovanje, nauku, kulturu i sport jednom godišnje dostavlja Ministarstvu finansija i Vladi Zeničko-dobojskog kantona.

**Generalni Plan korištenja sredstava za Tekući transferi pojedincima –
Tekući transfer za naučnoistraživačku djelatnost“ za 2024. godinu**

RB	Namjena	Godišnji iznos sredstava (KM)	Realizacija sredstava
1.	Odbrana doktorskih radova	10.000,00	
2.	<p align="center">Sredstva za naučnoistraživačku djelatnost</p> <ul style="list-style-type: none"> - organiziranje naučnih skupova i učešće naučnih radnika i studenata na naučnim skupovima u zemlji i inostranstvu - izdavanje univerzitetskih udžbenika i monografija - objavljivanje radova nastavno-naučnih radnika (uposlenika na visokoškolskim ustanovama na području Zeničko-dobojskog kantona) u časopisima referiranim u relevantnim indeksnim bazama navedenim u Tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici 	45.000,00	Nakon provedene konkursne procedure, Vlada Kantona će na prijedlog Ministarstva za obrazovanje, nauku, kulturu i sport posebnim odlukama odobravati pojedinačne zahtjeve.
3.	<p>Sredstva za takmičenje studenata sa visokoškolskih ustanova na području Zeničko-dobojskog</p> <ul style="list-style-type: none"> -Takmičenja studenata sa visokoškolskih ustanova na području Zeničko-dobojskog kantona -objavljivanje izvanrednih, stručnih radova studenata u toku redovnog studija po prijedlogu rukovodioca visokoškolskih ustanova na području Zeničko-dobojskog kantona 	10.000,00	Vlada Kantona će na prijedlog Ministarstva za obrazovanje, nauku, kulturu i sport posebnim odlukama odobravati pojedinačne zahtjeve.

4.	Nagrade najboljim studentima sa prebivalištem u Zeničko-dobojskom kantonu za ostvarene rezultate tokom redovnog studija na I, II i III ciklusu studija-nagrada Rektora	10.000,00	Vlada Kantona će na prijedlog Ministarstva za obrazovanje, nauku, kulturu i sport posebnim odlukama odobravati pojedinačne zahtjeve.
5.	Sredstva za podršku u radu Akademiji nauka i umjetnosti BiH sa sjedištem u Sarajevu	25.000,00	Vlada Kantona će na prijedlog Ministarstva za obrazovanje, nauku, kulturu i sport donijeti odluku o dobavljanju sredstava Akademiji nauka i umjetnosti BiH s ciljem podrške u radu za period 01.01.-31.12.2024. godine, a prema potpisanom memorandumu/ sporazumu Ministara Ministarstva za obrazovanje, nauku, kulturu i sport i Akademije nauka i umjetnosti BiH.
Ukupno odobrena sredstva Transfera za 2024. godinu		100.000,00	

Broj: 02-11-1424/24

Datum, 19.01.2024. godine

Z e n i c a

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x "Službene novine Zeničko-dobojskog kantona",

1x a/a.

PRILOG 1.

KRITERIJI ZA DODJELU SREDSTAVA ZA NAUČNOISTRAŽIVAČKU DJELATNOST ZA 2024. GODINU

Član 1. (Predmet Kriterija)

(1) Ovim Kriterijima utvrđuju se način i postupak dodjele sredstava iz Tekućih transfera pojedincima- Tekući transfer za naučnoistraživačku djelatnost (u daljem tekstu: Tekući transfer) i to za:

- a) Organizovanje naučnih skupova na području Zeničko-dobojskog kantona;
- b) Učešće naučnih radnika i studenata na naučnim skupovima u zemlji i inostranstvu;
- c) Izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona;
- d) Objavljivanje radova nastavno-naučnih radnika (uposlenika na visokoškolskim ustanovama na području Zeničko-dobojskog kantona) u časopisima referiranim u relevantnim indeksnim bazama navedenim u tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici
- e) Odbranu doktorskih radova.

(2) Maksimalan iznos sredstava koji se može dodijeliti jednom korisniku iznosi 4.000,00 KM (slovima: četiri hiljade konvertibilnih maraka).

Član 2. (Korisnici sredstava)

Korisnici sredstava iz člana 1. ovih Kriterija su naučni radnici, studenti i nastavno-naučni radnici (uposlenici na visokoškolskim ustanovama na području Zeničko-dobojskog kantona) sa prebivalištem na području Zeničko-dobojskog kantona koji ispunjavaju uslove utvrđene ovim Kriterijima, Tabelom A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici i javnim konkursom.

Član 3. (Javni konkurs)

Sredstva iz člana 1. ovih Kriterija dodjeljuju se putem javnog konkursa koji se objavljuje u jednom dnevnom listu i na web stranici Zeničko-dobojskog kantona, sa time da krajnji rok za podnošenje prijave ne može biti kraći od 15 dana od dana objavljivanja.

Član 4. **(Pravo učešća na konkursu)**

- (1) Pravo učešća na javnom konkursu za dodjelu sredstava iz člana 1. tačka a), ovih Kriterija ima pravno lice koja ispunjava sljedeće uslove:
 - a) da je registrirano za obavljanje naučnoistraživačke djelatnosti na području Zeničko-dobojskog kantona,
 - b) da ima sjedište na području Zeničko-dobojskog kantona,
 - c) da je naučni skup organizovan ili će biti organizovan u tekućoj godini.

- 2) Pravo učešća na javnom konkursu za dodjelu sredstava iz člana 1. tačka b), ovih Kriterija ima kandidat koji ispunjava sljedeće uslove:
 - a) da je državljanin Bosne i Hercegovine,
 - b) da ima prebivalište na području Zeničko-dobojskog kantona,
 - c) da mu je rad prihvaćen od strane organizatora naučnog skupa koji je održan ili će se održati u tekućoj godini,
 - d) da iz vlastitih sredstava uplaćuje troškove kotizacije.

- 3) Pravo učešća na javnom konkursu za dodjelu sredstava iz člana 1. tačka c), ovih Kriterija ima autor koji ispunjava sljedeće uslove:
 - a) da je državljanin Bosne i Hercegovine,
 - b) da ima prebivalište na području Zeničko-dobojskog kantona,
 - c) da univerzitetski udžbenik ili monografiju izdaje visokoškolska ustanova na području Zeničko-dobojskog kantona,
 - d) da ima odluku senata visokoškolske ustanove (u tekućoj godini) o davanju saglasnosti za objavljivanje univerzitetskog udžbenika ili monografije.

- 4) Pravo učešća na javnom konkursu za dodjelu sredstava iz člana 1. tačka d), ovih Kriterija ima autor koji ispunjava sljedeće uslove:
 - a) da je državljanin Bosne i Hercegovine,
 - b) da ima prebivalište na području Zeničko-dobojskog kantona,
 - c) da je kandidat nastavno-naučni radnik (uposlenik na visokoškolskim ustanovama na području Zeničko-dobojskog kantona) u tekućoj godini objavio rad u časopisima referiranim u relevantnim indeksnim bazama navedenim u Tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici.
 - d) da iz vlastitih sredstava uplaćuje troškove za objavu rada u časopisima referiranim u relevantnim indeksnim bazama navedenim u Tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici.

- 5) Pravo učešća na javnom konkursu za dodjelu sredstava iz člana 1. tačka e), ovih Kriterija ima kandidat koji ispunjava sljedeće uslove:
 - a) državljanin Bosne i Hercegovine,
 - b) da ima prebivalište na području Zeničko-dobojskog kantona,
 - c) kandidat koji je odbranio doktorski rad u periodu od dana objavljivanja Javnog konkursa za dodjelu sredstava za sufinansiranje troškova odbrane doktorskog rada 10.10.2023. godine (u listu Naša riječ i Oslobođenje) do 31.12.2023. godine,
 - d) kandidat koji je odbranio doktorski rad u tekućoj godini ili ima odlukom Senata zakazan datum

odbrane doktorskog rada do dana isteka roka za podnošenje prijava po javnom konkursu objavljenom u tekućoj 2024. godini.

6) Budžetski korisnici koji se djelimično ili u cjelosti finansiraju iz Budžeta Zeničko-dobojskog kantona nemaju pravo učešća na javnom konkursu za dodjelu sredstava iz člana 1. tačka a), ovih Kriterija.

7) Kandidati koji su ostvarili pravo na sufinansiranje troškova odbrane doktorskog rada od javnog sektora (općina/grad, Kanton, FBiH, BiH, fondovi, ministarstava i javna preduzeća) ili su oslobođeni predmetnih troškova od strane visokoškolske ustanove na kojoj su stekli ili će steći zvanje doktora nauka, nemaju pravo učešća na javnom konkursu za dodjelu sredstava iz člana 1. tačka e), ovih Kriterija.

Član 5. (Imenovanje i zadaci Komisije)

(1) Ministar za obrazovanje, nauku, kulturu i sport Zeničko-dobojskog kantona rješenjem imenuje Komisiju za razmatranje primljenih prijava na javni konkurs iz člana 3. ovih Kriterija (u daljem tekstu: Komisija).

(2) Komisija se sastoji od najmanje 5 članova, od koji je jedan predsjedavajući a ostali su članovi Komisije.

(3) Članovi komisije iz stava (2) ovog člana su predstavnici Ministarstva za obrazovanje, nauku, kulturu i sport Zeničko-dobojskog kantona i predstavnici visokoškolskih ustanova sa područja Zeničko-dobojskog kantona

(4) Komisija provjerava potpunost i blagovremenost dostavljene dokumentacije i u skladu sa ovim Kriterijima i Tabelom A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici utvrđuje iznose koji se dodjeljuju kandidatima na konkursu i podatke o kandidatima unosi u odgovarajuće obrasce u tabelarnom obliku.

(5) Nakon provjere potpunosti i blagovremenosti dokumentacije iz stava (4) ovog člana, Komisija sačinjava listu od kandidata koji su dostavili potpunu i blagovremenu dokumentaciju traženu javnim konkursom (u daljem tekstu: lista kandidata).

(6) Predsjedavajući i članovi Komisije potpisuju tabele nastale u okviru rada Komisije.

Član 6. (Način raspodjele sredstava)

(1) U skladu sa listom kandidata iz člana 5. stav (5) ovih Kriterija i prihvatljivim troškovima u okviru raspoloživih sredstava predviđenih Tekućim transferom za tekuću godinu Komisija predlaže iznose sredstava za dodjelu vodeći se:

a) dostavljenim podatkom o iznosu sredstava planiranih za organizovanje naučnog skupa, kod dodjele sredstava za organiziranje naučnih skupova na području Zeničko-dobojskog kantona.

b) dostavljenim dokazom o iznosu kotizacije, kod dodjele sredstava za učešće naučnih radnika i studenata na naučnim skupovima u zemlji i inostranstvu s tim da se jednom kandidatu dodjeljuje najviše jedna kotizacija po naučnom skupu, a ukupno se kotizacija može dodijeliti za najviše dva naučna skupa.

c) dostavljenim predračunom ili računom o troškovima štampanja udžbenika i monografije (kod dodjele sredstava za izdavanje univerzitetskih udžbenika i monografija na visokoškolskim ustanovama na području Zeničko-dobojskog kantona), sredstva se dodjeljuju na način da se svakom autoru

dodjeljuje jednaki procenat od iznosa navedenog u dostavljenom predračunu ili računu o troškovima štampanja udžbenika i monografije, a vodeći računa o raspoloživim sredstvima u okviru Tekućeg transfera.

d) dostavljenim dokazom o uplaćenom iznosu sredstava za objavu radova nastavno-naučnih radnika (uposlenika na visokoškolskim ustanovama na području Zeničko-dobojskog kantona) u časopisima referiranim u relevantnim indeksnim bazama navedenim u tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici

e) potvrdom fakulteta o troškovima prijave i odbrane doktorskog rada i listom kandidata iz člana 5. stav (5) ovih Kriterija, te se raspoloživi iznos sredstava dijeli na sve kandidate sa liste kandidata u jednakim iznosima.

(2) Kandidatima se za učešće naučnih radnika i studenata na naučnim skupovima u zemlji i inostranstvu plaća isključivo kotizacija, dok se ne vrši sufinansiranje troškova prevoza i smještaja, te ostalih troškova.

(3) Prijedloge akata o odobravanju sredstava kandidatima sa liste kandidata, ministar Ministarstva za obrazovanje nauku, kulturu i sport Zeničko-dobojskog kantona upućuje Vladi Zeničko-dobojskog kantona na usvajanje.

Član 7.

(Donošenje akata Vlade i obavijest o rezultatima)

(1) Vlada Zeničko-dobojskog kantona donosi akte o odobravanju sredstava.

(2) Akti Vlade iz stava (1) ovog člana, dostavljaju se korisnicima sredstava putem Ministarstva za obrazovanje nauku, kulturu i sport Zeničko-dobojskog kantona.

Član 8.

(Izvještaj o namjenskom utrošku sredstava)

(1) Kandidati kojima budu odobrena sredstva iz člana 1. ovih Kriterija obavezni su dostaviti izvještaj o namjenskom utrošku sredstava u roku određenom aktom Vlade o odobravanju sredstava, sa time da kandidati kojima budu odobrena sredstva za troškove kotizacije za učešće na naučnim skupovima u zemlji i inostranstvu i kandidati kojima budu odobrena sredstva za troškove za objavu rada u časopisima referiranim u relevantnim indeksnim bazama navedenim u tabeli A. Glavne indeksne baze podataka Pravilnika o registru domaćih i međunarodnih serijskih publikacija Univerziteta u Zenici takođe uz izvještaj obavezno prilažu dokaz da su troškove kotizacije uplatili iz vlastitih sredstava.

(2) Kandidati na konkursu koji nisu blagovremeno dostavili izvještaj o namjenskom utrošku sredstava koja su im dodijeljena u prethodnoj fiskalnoj godini, nemaju pravo učešća na konkursu za dodjelu sredstava i o tome im se šalje pojedinačna obavijest.

Član 9.

(Nepotpune i neblagovremene prijave)

(1) Nepotpune i neblagovremene prijave se ne razmatraju.

(2) Kandidatima koji su dostavili prijave kao u stavu (1) ovog člana šalje se pojedinačna obavijest.

Član 10.

(Način isplate sredstava)

- (1) Odobrena sredstva isplaćuju se iz Budžeta Zeničko-dobojskog kantona za tekuću godinu - „Tekući transferi pojedincima – Tekući transfer za naučnoistraživačku djelatnost“ Budžeta Zeničko-dobojskog kantona.
- (2) Korisnici sredstava iz stava (1) ovog člana, dužni su Ministarstvu za obrazovanje nauku, kulturu i sport Zeničko-dobojskog kantona dostaviti izvještaje o namjenskom utrošku sredstava u skladu sa aktom Vlade o odobravanju sredstava.

Član 11.

(Period za koji se odnose Kriteriji za dodjelu sredstava za naučnoistraživačku djelatnost)

Kriteriji za dodjelu sredstava za naučnoistraživačku djelatnost se odnose za 2024. godinu.

Član 12.

(Stupanje na snagu)

Kriteriji stupaju na snagu narednog dana od dana donošenja i objavit će se u “Službenim novinama Zeničko-dobojskog kantona”

PRILOG 2.

TABELA A iz aktuelnog Pravilnika o registru domaćih i međunarodnih serijskih publikacija Univerziteta u Zenici

A. GLAVNE INDEKSNE BAZE PODATAKA (zasnovano na Prijedlogu Akademije nauka i umjetnosti BiH (ANUBiH) – dokument Relevantne indeksne baze podataka)

Društvene nauke
Current Contents / Social & Behavioral Sciences (BEHA) HeinOnline ScienceDirect Scopus SpringerLink Taylor&Francis online Web of Science Wiley online library ERIH PLUS
Humanističke nauke
Current Contents / Arts and Humanities (ARTS) Current Contents / Social & Behavioral Sciences (BEHA) ScienceDirect Scopus SpringerLink Taylor&Francis online Web of Science Wiley online library ERIH PLUS
Medicinske nauke
Current Contents / Clinical Medicine (CLIN) Current Contents / Life Sciences (LIFE) Current Contents / Social & Behavioral Sciences (BEHA) EMBASE Index Medicus / MEDLINE PubMed ScienceDirect Scopus SpringerLink Taylor&Francis online Web of Science Wiley online library
Prirodno-matematičke nauke
Current Contents / Agriculture, Biology and Environmental Sciences (AGRI) Current Contents / Engineering, Technology and Applied Sciences (TECH) Current Contents / Life Sciences (LIFE) Current Contents / Physical, Chemical and Earth Sciences (PHYS) INSPEC ScienceDirect Scopus SpringerLink Taylor&Francis online Web of Science Wiley online library
Tehničke nauke

Current Contents / Engineering, Technology and Applied Sciences (TECH)

INSPEC

ScienceDirect

Scopus

SpringerLink

Taylor&Francis online

Web of Science

Wiley online library